



稱揚諸佛功德經

中

百七十二
改二

48494



稱揚諸佛功德經卷中二

改

元魏西域三藏吉迦夜共曇曜譯

復次舍利弗南方去此度十萬億佛刹有世
界名曰真珠其國有佛号日月燈明如來至
真等正覺明行成爲善逝世間解無上士道
法御天人師号曰衆祐度人無量其有得聞
日月燈明如來名者持諷誦念歡喜踊躍至
心信樂而無有疑如來言教實爲快善無數
千人淨心敬信悲喜情踊爲之雨淚此衆生
輩自當憶知吾等往昔爲曾值見此諸佛已
若有女人其有得聞日月燈明如來名者歡
喜信樂從是已後所生之處止更不受女人

之身十方世界其有得聞斯佛名者皆當得
立不退轉地必成正覺於諸欲中意常清淨
不爲欲垢之所纏縛此佛刹人及與他方諸
衆生類聞此如來名号者計其功德不可限
量不以言辭所可稱說能盡其德魔王官屬
終不堪任毀壞其人無上道心佛語舍利弗
魔王常欲索此經便欲斷絕之所以者何爲
諸欲聚之所纏縛雖尔舍利弗斯之伴黨最
後世時會當信樂斯尊經法而不謗毀其信
樂者斯之正士如優曇華在於世間宜受一
切三界供養舍利弗言唯天中天最後末世
凶愚暴惡幾所衆生有能信持日月燈明如

來名者及諸世尊如來名号歡喜信者佛言
我今現在諦觀察之比丘僧中終不見有披
白衣者最後末世亦復如是信樂斯經諷誦
之者亦復少有百萬之中若一若兩舍利弗
言設有聽受信斯經者所得功德為幾許佛
言如來於無數劫遊於五道拔濟衆生三塗
之厄滿具一切弘誓之願興出於世廣為衆
生敷陳妙法實為難值用說正法故多所利
益一切衆生其有聞者歡喜信樂斯等皆當
疾能解了我之智慧却生死罪百劫在後其
聞此法不信樂者斯之等輩我悉見之舍利
弗言唯天中天有幾所人謗毀斯經所得罪

報受幾時苦佛言斯衆生輩六十億歲於地
獄中具受衆罪爲以謗毀諸如來等正覺法
故舍利弗斯法興盛幾時之間在所之處愚
癡之人於中造立地獄之行用謗諸佛如來
之故是故舍利弗夫黠慧者若族姓子族姓
女最後末世聞此妙法信不誹謗宜當自慶
歡喜踊躍作是思惟我等不謗如來之法身
之所受惡行苦報吾已得脫佛告舍利弗最
後世時大千世界滿中七寶持用布施猶尚
易得聞有讚歎斯衆功德實難得值值此法
者皆爲如來之所護持
復次舍利弗南方去此真珠世界度萬佛刹

有世界名曰戒光其國有佛号曰須彌如來
至真等正覺明行成爲善逝世間解無上士
道法御天人師号曰衆祐度人無量其有得
聞須彌如來名号者持諷誦念歡喜信樂長
跪叉手當爲作禮當得無比功德之報魔王
不能毀壞其人無上道心猶須彌山堅住不動
功德甚多日日增益不可限量

復次舍利弗南方去此戒光世界度万四千
佛刹有世界名曰音響其國有佛号大須彌
如來至真等正覺明行成爲善逝世間解無
上士道法御天人師号曰衆祐度人無量其
有得聞大須彌如來名盡心信樂持諷誦念

若至夢中斯等之人終不更起恚亂之意向
諸快士得不退轉當成正覺斯諸正上當解
妙慧了一切法猶若如夢却八十劫生死之罪
復次舍利弗南方去此音響世界度五千佛
刹有世界名紫磨金其國有佛号阿提弥留
晉音起如來至真等正覺明行成爲善逝世
出須弥

間解無上士道法御天人師号曰衆祐度人
無量其有得聞阿提弥留如來名者盡心信
樂持諷誦念所得功德設使有人持閻浮檀
金布於三千大千世界悉令弥滿持用布施
其人得福寧爲多不舍利弗言甚多天中天
佛言不如有人持諷誦念阿提弥留如來名

者淨心信樂所得功德過出施上百倍有餘
無以為比若有常念此如來名却生死之罪
十劫在後

復次舍利弗南方去此紫磨金世界度二萬
佛刹有世界名色像光其國有佛号喻如須
弥如來至真等正覺明行成爲善逝世間解
無上士道法御天人師号曰衆祐度人無量
其有得聞喻如須弥如來名者淨心信樂持
諷誦念以膝著地長跪叉手而爲作禮如斯
人等當得智慧猶若大海悉能奉持諸佛之
法疾得成就正覺之道

復次舍利弗南方去此色像光世界度萬八

千佛刹有世界名過珠光其國有佛号曰香
像如來至真等正覺明行成爲善逝世間解
無上士道法御天人師号曰衆祐度人無量
其有得聞香像如來名号者彈指之頃恭敬
淨意念斯如來所得功德假令有人持閻浮
檀金布三千大千世界悉令弥滿持用布施
其人得福寧爲多不舍利弗言甚多甚多天
中天佛言不如有人口中諷誦香像如來名
号者如彈指頃功德殊特過出施上百倍有
餘所以者何一返唱聲稱斯佛名獲大益利
何況目覩如來色像作禮恭敬及涇洹後入於
廟寺瞻覲形像禮拜虔恭所得功德寧可稱乎

復次舍利弗南方去此珠光世界度無數千
佛刹有世界名曰得勇力其國有佛号三万
陀捷提晉言圍繞香熏如來至真等正覺明行成爲
善逝世間解無上士道法御天人師号曰衆
祐度人無量舍利弗其佛如來本求大乘爲菩
薩時作是誓願我先世供養諸佛及復供養
彌嘉捷尼如來正覺燒名好香丸如芥子自
誓願言願我今日持此功德成作佛時身諸
毛孔悉出妙香熏徧十方恒沙世界猶若雲
起皆悉令弥滿他方佛國無量世界一切衆
生得齎我香聞我名者斯等一切成作佛時
我諸毛孔亦出斯香徧無量國三万陀捷提

如來亦自滿其一切諸願若使有人讚歎廣
說如來名德若族姓子族姓女七日之中飢
不獲食故當往聽歎說如來功德之法所以
者何聞斯佛名所得功德不可限量舍利弗
言如是世尊其有得聞三萬陀提提如來名
所得功德不可稱量甚多乃尔最後世時若
族姓子族姓女聞斯功德歡喜踊躍及復得
聞諸佛名号功德法者魔王不能毀壞其人
無上道心所以者何諸佛世尊皆共擁護此
等衆生是故魔王不能得壞其人道心佛言
設我讚歎斯佛功德衆生聞者或能惑亂所
以尔者此等之類福德淺薄無黯所致不能

信持若有信者舍利弗皆當歡喜踊躍自慶
此等必當成最正覺而於此中所得功德我
當爲汝引少譬喻諸佛大慈皆欲使人入其
法中十方世界滿中七寶持用布施所得功
德寧爲多不舍利弗言甚多甚多天中天佛
言不如有人得聞三萬陀提提如來名者得
福甚多過出施上百倍有餘加復作禮五體
投地得其福德不可思議却生死罪百劫在後
復次舍利弗南方去此得勇力界度十億佛
刹有世界名曰雲厚無垢光其國有佛号曰
淨光如來至真等正覺明行成爲善逝世間
解無上士道法御天人師号曰衆祐度人無

量其有得聞淨光如來名号者歡喜信樂持
諷誦念彈指之頃發大慈心其人至心慕樂
斯佛已自作是言今我得聞斯佛名号彈指
之頃發大慈心持此功德願使十方一切衆
生得解如來微妙之慧當知舍利弗斯等衆
生發弘誓願於中所得功德之福如恒邊沙
諸佛國土滿中七寶持用布施其所得福寧
爲多不舍利弗言甚多甚多世尊不可稱量
佛言不如有人誦持淨光如來名者歡喜踊
躍彈指之頃發大慈心興弘誓願所得功德
比於布施過上百倍諸正士等欲布施時當
作法施斯之功德疾得成就正覺之道却八

十劫生死之罪

復次舍利弗南方去此雲厚無垢光界度万
佛利世界名曰法界其國有佛号曰法最如
來至真等正覺明行成爲善逝世間解無上
士道法御天人師号曰衆祐度人無量其有
法最如來名号者歡喜信樂持諷誦念

釋迦牟尼

六

宋林

長跪叉手頭面作禮斯等皆當而能護持諸
佛之法於佛法中所得大利目見如是以是
之故皆當信樂持斯佛名加廣宣傳闡揚佛
德發尊覺意不當起心作輕慢行向於如來
敬信之者悉能滅除三塗之苦皆由斯德諸
佛世尊無數劫中聚衆德本具如來行實爲

勤苦久遠難量乃得成就如來法身暢達正
覺一切之智實爲甚難以是之故不當生慢
皆當興立敬信之心向於如來一切世界設
滿中水水上有板而板有孔有一盲龜於百
歲中乃一舉頭欲值於孔斯亦甚難求索人
身甚難甚難於此欲得除去八難之難若有
得聞斯經法者衆難惡道皆悉永絕以是之
故當發大願求解最尊無比之法若一發意
於如來者喜心信樂斯等疾近正覺之道却
二十劫生死之罪

復次舍利弗南方去此法界度五萬五千佛
刹有世界名曰星自在王其國有佛号香自

在王如來至真等正覺明行成爲善逝世間
解無上士道法御天人師号曰衆祐度人無
量其有得聞香自在王如來名者歡喜信樂
持諷誦念長跪叉手自作是言我今禮香自
在王如來至真等正覺當發大慈持功德聚
使諸如來及諸弟子長受天樂亦受法樂一
切衆生皆亦如是若使有人不慕泥洹斯等
皆當住不退轉疾成正覺三千世界滿中七
寶持用布施滿千歲中所得功德寧爲多不
舍利弗言甚多世尊佛言不如有人持斯佛
名發大慈心得福甚多比於施德過上百倍
却三十劫生死之罪

復次舍利弗南方去此星自在王世界度萬
佛刹有世界名曰正真其國有佛号大集如
來至真等正覺明行成爲善逝世間解無上
士道法御天人師号曰衆祐度人無量其有
得聞大集如來名字者歡喜信樂持諷誦念
如此人等與諸佛法常共合偶亦不起意樂
入泥洹

復次舍利弗南方去此正真世界度八千佛
刹有世界名曰廣博其國有佛号香光明如
來至真等正覺明行成爲善逝世間解無上
士道法御天人師号曰衆祐度人無量其有
得聞香光明如來名者歡喜信樂持諷誦念

斯等皆當得不退轉成最正覺所以者何香
光明如來本遊菩薩徑路之時作是誓願我
作佛時一切衆生聞我名者得不退轉疾成
正覺在於三塗恐怖之中疾得解脫

復次舍利弗南方去此廣博世界度三万佛
刹有世界名曰廣遠其國有佛号曰火光明
如來至真等正覺明行成爲善逝世間解無
上士道法御天人師号曰衆祐度人無量其
有得聞火光明如來名号者歡喜信樂持諷
誦者斯等皆得無限之福其有謗毀而不信
者獲無量罪

復次舍利弗南方去此廣遠世界度万五千

佛刹有世界名曰無崖際其國有佛号無量
光如來至真等正覺明行成爲善逝世間解
無上士道法御天人師号曰衆祐度人無量
其有得聞無量光如來名者盡心淨意歡喜
信樂斯等衆生爲此如來光明威神之所護
持却生死罪十劫在後其有謗毀而不信者
當二十劫在彼多畔泥犁中

復次舍利弗南方去此無崖際界度二万佛
刹有世界名曰堅固其國有佛号曰開光如
來至真等正覺明行成爲善逝世間解無上
士道法御天人師号曰衆祐度人無量其有
得聞開光如來名号者歡喜信樂持諷誦者

魔王衆兵不能毀壞其人道心

復次舍利弗南方去此堅固世界度二千五百佛刹有世界名曰碼瑙其國有佛号月燈光如來至真等正覺明行成爲善逝世間解無上士道法御天人師号曰衆祐度人無量其有得聞斯佛名者持諷誦念斯等皆當爲世導首應當得受世之供養其斯人等爲持天上之牢杖也當知舍利弗此諸佛名在於郡縣丘聚村落諸國邑則神塔也所以者何舍利弗最後末世斯諸快士正覺之名甚難得值其有聞者皆當歡喜一心信樂

復次舍利弗南方去此碼瑙世界度八千佛

刹有世界名曰妙香其國有佛号日月光如
來至真等正覺明行成爲善逝世間解無上
士道法御天人師号曰衆祐度人無量其有
得聞日月光如來名号者歡喜信樂持諷誦
念若於夢中若聞若說展轉相語此輩皆當
歡喜踊躍當得無量功德之報道心堅固如
須弥山不可傾動一切魔王不能毀壞

復次舍利弗南方去此妙香世界度万佛刹
有世界名曰爲日其國有佛号日月光明如
來至真等正覺明行成爲善逝世間解無上
士道法御天人師号曰衆祐度人無量其佛
國土無有四路何等爲四無有地獄餓鬼畜

生貧窮下賤其佛世尊本求道時作是誓言
設我成佛若泥洹後其有衆生聞我名者皆
當得住不退轉地疾成無上正真之道亦使
此等成立國土無上道田所願具足亦當如
我衆願悉滿舍利弗若有得聞日月光明如
來名者歡喜信樂持諷誦念此等衆生亦當
具滿無上道願如此世尊

復次舍利弗南方去此日世界度万八千佛
刹有世界名曰金珠光明其國有佛号曰火
光如來至真等正覺明行成爲善逝世間解
無上士道法御天人師号曰衆祐度人無量
其有得聞火光如來名号者信樂歡喜持諷

誦念斯等已持智慧之炬越度一切生處之
海當各精進一心信行晝夜常念莫得疑懈
當廣宣化設於法施一切魔王不能毀壞其
人道心況於外道能毀訾耶

復次舍利弗南方去此金珠光明世界度万
六千佛刹有世界名曰衆色像達鏡其國有
佛号曰集音如來至真等正覺明行成爲善
逝世間解無上士道法御天人師号曰衆祐
度人無量其有衆生生彼佛刹甫當生者現
已生者此等正士過逾一切人天像貌衆相
嚴容端正姝妙光明巍巍非天世人所受之
體其有得聞集音如來名号之者歡喜信樂

持諷誦念後生之處常得端正顏容
常歡喜信樂諸佛

復次舍利弗南方去此衆色像世界度
萬三千佛刹有世界名曰衆聚其國有佛
號最威儀如來至真等正覺明行成爲善逝
世間解無上士道法御天人師號曰衆祐
度人無量其有得聞最威儀如來名號歡喜
信樂持誦誦念其人爲得世間最尊天龍鬼神
之所敬仰却二十劫生死之罪

復次舍利弗南方去此衆聚世界度十萬佛
刹有世界名曰勝戰越度無極其國有佛號
光明尊如來至真等正覺明行成爲善逝世

聞解無上士道法御天人師号曰衆祐度人
無量其有得聞光明尊如來名者歡喜信樂
持諷誦念若天若人閻叉鬼神斯衆生因此
功德會得成就正覺之道却三十劫生死之
罪若有輕謗而不信者滿八万歲在於大泥
犁具受衆苦

復次舍利弗南方去此勝戰越度無極世界
度五千佛刹有世界名一切音響其國有佛
号蓮華軍如來至真等正覺明行成爲善逝
世間解無上士道法御天人師号曰衆祐度
人無量其有得聞蓮華軍如來名者歡喜信
樂持諷誦念若使有人大千刹土滿中珍寶

持用布施其人得福寧為多不舍利弗言甚
多甚多世尊不可稱量佛言不如有人持諷
誦念蓮華軍如來名者所得功德過於布施
功德者上常與諸佛世尊共會卿舍利弗汝
曹不能都盡堪任聽此功德斯佛世尊從久
已來於諸禪中具諸德本有其信持此佛名
者其人皆當超過三界猶若蓮華從水涌出
復次舍利弗南方去此音響世界度二万佛
刹有世界名日月光其國有佛号蓮華響如
來至真等正覺明行成爲善逝世間解無上
士道法御天人師号曰衆祐度人無量舍利
弗此如來尊何故名曰号蓮華響初昇道場

坐蓮華上成最正覺無數諸天在虛空中異
口同音共唱聲言蓮華響佛今出於世其音
徧聞大千刹土以是之故号蓮華響其有得
聞斯佛名者歡喜信樂長跪叉手自作是言
我今禮蓮華響如來至真等正覺斯等終不
墮於惡道遊諸恐難疾得解脫唯除五逆惡
罪行者

復次舍利弗南方去此月光世界度三万佛
刹有世界名天自在其國有佛号曰多寶如
來至真等正覺明行成爲善逝世間解無上
士道法御天人師号曰衆祐度人無量舍利
弗其佛世尊何故名曰爲多寶乎本遊菩薩

徑路之時有不可計聲聞之衆悉來從其啓
受經法異口同音共作是言斯之正士乃能
有此深妙法寶因号名曰爲多寶也若族姓
子族姓女其有得聞斯佛名者歡喜信樂長
跪叉手三返稱言而我今禮多寶如來至真等
正覺其所生在諸佛刹心常解了一切諸
法所以者何斯佛世尊爲菩薩時發是誓願
如此人者自成法寶以寶爲侍從
復次舍利弗南方去此天自在世界度二万
佛刹有世界名曰蓮華其國有佛号師子吼
如來至真等正覺明行成爲善逝世間解無
上士道法御天人師号曰衆祐度人無量其

有得聞師子吼如來名者歡喜信樂長跪叉
手三舉聲言我今禮此師子吼如來至真等
正覺斯諸人等所生之處皆當悉能作師子
吼聲揚法音徧至三千化度無量衆生之類
却五十劫生死之罪

復次舍利弗南方去此蓮華世界度万佛刹

有七佛下

有世界名曰明星其國有佛号師子音王如
來至真等正覺明行成爲善逝世間解無上
士道法御天人師号曰衆祐度人無量其有
得聞師子音如來名者歡喜信樂持諷誦念
斯諸人等後生之處得無量音及得如來淨
光之音所以者何若散華香於虛空中稱南

無佛得福無量況覩靈廟如來形像至心禮
敬散華香者斯等在世猶若好華莫不鮮澤
復次舍利弗南方去此明星世界度万五千
佛刹有世界名曰無憂其國有佛号精進軍
如來至真等正覺明行成爲善逝世間解無
上士道法御天人師号曰衆祐度人無量其
有得聞精進軍如來名者歡喜信樂持諷誦
念一心奉信無憂刹土以清淨心盡誠敬信
於此如來斯等皆當成正覺能爲衆生廣轉
法輪所以者何其如來尊本求道時興此誓
願吾成正覺一切衆生聞我名者其人皆當
生我刹土悉當具滿如來之慧舍利弗若有

謗毀輕慢不信更相調戲持用作笑此輩億
歲在地獄中具受罪報

復次舍利弗南方去此無憂世界度万佛刹
有世界名金剛聚其國有佛号金剛踊躍如
來至真等正覺明行成爲善逝世間解無上
士道法御天人師号曰衆祐度人無量其有
得聞金剛踊躍如來名者一心信樂持諷誦
念若於夢中間斯佛名其人皆能破壞三毒
消散諸欲得不退轉於諸佛法

復次舍利弗南方去此金剛聚世界度千億
佛刹有世界名曰恐明珠其國有佛号度一
切禪絕衆疑如來至真等正覺明行成爲善

逝世間解無上士道法御天人師号曰衆祐
度人無量其有聞得度一切禪絕衆疑如來
名者歡喜信樂至心諷誦念其如來若復有
人說斯佛名其有聽者當以質直無諛諂意
宣傳之者真正說之斯等皆能壞衆魔兵及
諸外道倒見之徒悉能決散一切疑結必得
成就正覺之道

復次舍利弗南方去此恐明珠世界度千八
百佛刹有世界名曰華香熏其國有佛号寶
大侍從如來至真等正覺明行成爲善逝世
間解無上士道法御天人師号曰衆祐度人
無量舍利弗若有得聞寶大侍從如來名者

歡喜踊躍一心信樂持諷誦念斯諸人等能
為世間作大寶明當轉無上正法之輪如是
舍利弗聞斯佛名信樂之者得大利益功德乃
尔其有畏惡生死之難傾其心意著在聲聞
緣覺之道此等徒類小誓淺智志存下劣不
能堪任尊妙之道放捨如來廣大之慧斯之
等輩不能信解此深妙義其有衆生求廣妙
慧傾於衆德著最妙乘於此法中但當求索
無盡之藏除去慳心褊陋局意發無蓋哀但
欲充滿衆生之願作是施與於如來田得無
盡報會當解了正覺之慧能以財寶施與衆
生令使一切各得快樂願此衆德著於無上

正真道中舍利弗其有得聞斯佛名者及諸
如來功德名号加廣宣傳稱揚說時若有不
信謗毀之者四十億歲在加羅秀頭泥犁之
中具受衆苦

復次舍利弗南方去此華香世界度六千佛
刹有世界名曰喜起其國有佛号曰無憂如

來至真等正覺明行成爲善逝世間解無上
士道法御天人師号曰衆祐度人無量其有
得聞無憂如來名号者發歡喜心信樂諷誦
斯其人等於衆欲中無所汙染不爲諸欲之
所拘礙心如蓮華不著塵水得不退轉悉能
安隱一切衆生後成正覺若有衆生聞其名

号至心諷誦歡喜信樂若存在世若般泥日
後斯等亦得最特妙乘為世導師皆當遠得
無量功德所生之處其人未曾不值佛時
復次舍利弗南方去此喜起世界度二十万
佛刹有世界名曰哀色其國有佛号地力持
踊如來至真等正覺明行成爲善逝世間解
無上士道法御天人師号曰衆祐度人無量
其有得聞地力持踊如來名者淨心歡喜持
諷誦念五體投地而爲作禮念其如來一日
一夜斯人當得立不退轉難動如地一切衆
魔不能毀壞其人道心得無量慧猶若大海
斷生死路却二十劫生死之罪

復次舍利弗南方去此袞色世界度十四佛刹有世界名曰爲天其國有佛号最踊躍如來至真等正覺明行成爲善逝世間解無上士道法御天人師号曰衆祐度人無量其有得聞最踊躍如來名者歡喜踊躍持諷誦念長跪叉手而爲作禮當作是言我今禮最踊躍如來至真等正覺此等衆生當爲最特殊妙大乘之所捉持亦能饒益一切衆生三塗八難悉爲永絕

復次舍利弗南方去此天世界度八千佛刹有世界名栴檀光其國有佛号曰自在王如來至真等正覺明行成爲善逝世間解無上

士道法御天人師号曰衆祐度人無量其有
得聞自在王如來名者益加信樂若更相勸
持此佛名斯皆當得無量之福舍利弗若有
說此如來名時若天若人龍及閻叉一切非
人其有聞此如來名者此等皆當得不退轉
於正真道

復次舍利弗南方去此栴檀光世界度二十
億佛刹有世界名一切伎樂震動其國有佛
号無量音如來至真等正覺明行成爲善逝
世間解無上士道法御天人師号曰衆祐度
人無量其有得聞無量音如來名者歡喜信
樂如來功德當發此願以此功德使我解了

如來智慧斯皆當住不退轉地必成無上正
真之道所以者何此如來尊為菩薩時興大
弘誓立此願故若有不信誹謗之者於地獄
中長受衆苦罪畢得出所生之處常不遇值
諸佛之世舍利弗其佛世界何故名曰伎樂
震動無量音佛本從兜術降神之時始發一
切伎樂之音聲普震動揚其樂音天上世間
乃至非人一切伎樂所不能及其佛住壽在
世之時說法教化至于泥日其佛國土伎樂
之音聲續美暢震于十方二十佛刹以是之
故号無量音

復次舍利弗南方去此一切伎樂震動世界

度三百億佛刹有世界名集光明其國有佛
号曰錠光如來至真等正覺明行成爲善逝
世間解無上士道法御天人師号曰衆祐度
人無量舍利弗其如來尊停住光明照他佛
國十萬億刹常以大明以是之故名曰錠光
其有得聞斯佛名者一心信樂歡喜踊躍無

改稱楊絲中卷

十一

諛諂意斯等當爲如來光明之所護持

復次舍利弗南方去此集光明世界度八萬

佛刹有世界名一切香其國有佛号寶光明

如來至真等正覺明行成爲善逝世間解無

上士道法御天人師号曰衆祐度人無量其

有得聞寶光明如來名者歡喜信樂持諷誦

念斯等皆當為於世間作大珍寶住不返轉
於正真道所生之處常值佛世初不曾生無
佛之處遊於菩薩徑路之時却五十劫生死
之罪是故舍利弗不當起於瞋恚忿亂向諸
菩薩及諸弟子唯當興立大慈之心而奉敬
之當求如來廣妙之慧發弘誓願趣至大乘
舍利弗如是其人疾近無上正真之道廣演
如來深妙之法若使有人未入泥洹不在菩
薩之境界者不信佛法亦不信有行菩薩道
言佛道難得如是之人滿於千歲在地獄中
具受衆罪是故舍利弗不當起瞋恚之意向
於蟲螺況持惡意向諸快士癡蓋所覆無慙

愧者於中謗毀益牢地獄諸罪之行舍利弗
諸佛興世甚難甚難百億之數發意求道至
時得者若一若兩當知舍利弗如來興世如
優曇華時時乃有不可見也其求大乘發弘
誓願有已發者甫當發者甫當發者今現發
者起勇猛意不沉疑者當如所願疾成不久
廣施法食具正覺道如是南方諸佛之等不
可稱計今現康常廣說經法其有聞者廣演
興顯歎揚如來無量功德當向南方五體投
地念諸如來稱揚名号而為作禮其人得福
不可計量

稱揚諸佛功德經卷中

𩇑詩救反 闡昌演反 崖際上音宜佳反 𦉳音紫 改

二 姝妙上尺朱反 福陘上必淺反 𦉳音紫 𦉳音紫

渠 玉頤音頭 逮逮音代及 錠音定 𦉳音紫 局



